



# INGOZI KAMAYEQELA EZIGABENI

## ISINGENISO

Umayeqela (umaginetha) waqalela eGwanda, ehlanyelwa ngabantu emizini njengeluba. Lezinsuku usetholakala laseBulilima, eMangwe, laseTsholotsho. Yisihlahla esisemulini yemihlonhlo esibayisixuku, sikhule sibelobude obuphakathi kwe-*metre* kusiya kwamabili. Inqubo yezisihlahla sigcwele ameva. Zitholakala kakhulu eceleni kwemigwaqo, emadlelweni lasemiqolweni yemifula. Uhulumende weZimbabwe unikele i-Environmental Management Agency (EMA) kanye lezinye inhlanganiso ezisebenzelana layo i-EMA ingqobe yokwenqabela ukumemetheka kukamayeqela.

## UKUMEMETHEKA KUKAMAYEQELA

Umayeqela umemetheka ngemfucuzo ezitholakala engatsheni kanye langempande. Imfucuzo ezisengatsheni ziyamemetheka ngokunamathela ezinyamazani, enyaweni zabantu lemasondweni ezimota. Lapho lezo mfucuzo ezikhithikela khona zihle zihlanyekele zikhule zibeyizixuku ezinzima, kungahambeki ngenxa yameva.

## INGOZI KAMAYAQELA

1. Umayeqela uyaphazamisa impilo zezinanzakaza lezinyamazazi ezithile ngenxa yendlela akhula ngayo. Kuthi kunjalo akwandanga ukukhula olunye ulutho lapho okulesihlahla lesi.
2. Ameva esihlahla lesi ayingozi enyamazani lasebantwini.
3. Umayeqela uyaphanga amemetheke aphazamise amadlelo njalo uyehlisa ukuvunda komhlabathi abalimi bavune okungaphansi kwalokho okujwayelekileyo.
4. Isihlahla lesi siyalimaza izifuyo sehlise lesisindo senyama lezikhumba.



# Indlela Eqondileyo Yokukhipha Umayeqela



- Buthanisa utshani obulutshwana ngaphansi kwesixuku sikamayaqela.
- Basela utshani. Nxa kungalumatha ameva ahle abambe umlilo masinyane isixuku sonke sitshe.



**Woba lonanzelelo nxa usebenza ngomlilo. Lingatshisi amadlelo.**

- Nxa isixuku sesitshile. Linda ukuthunqa kuphele. Gamula ke ingaja zikamayeqela. Sebenza ngonanzelelo, kungaba khona ameva angatshanga engatsheni zesihlahla.
- Gebha impande zesixuku sonke.
- Buthanisa ingaja lempande zonke usebenzisa izigodo kumbe ireki.
- Sebenzisa ifotsholo ufake ingatsha lempade lezo enditshini kumbe emabhakedeni.
- Thululelani okusemabhakedeni phansi lenze inqumbi.



- Dingani utshani lamahlamvu awomileyo liwabuthanise ndawonye.
- Fakani utshani lamahlamvu phezulu kwenqumbi zengatsha lempande.
- Fakani utshani lamahlamvu bembese inqumbi yonke.
- Usebenzisa unanzelelo, basela.
- Sebenzisa izigodo ezinde ukhwezele umlilo umayeqela atshe aphele.



- Gebhani igodi lokugqibela umayeqela. Kumele litshone okufika *i-metre*.
- Nxa ligebha nanzelelani ukwehlukana inhlabathi yaphansi leyaphezulu.
- Gqibelani liqala ngenhlabathi yangaphansi.

- **Hlanyelani izihlahla zemvelo endaweni lapho elighebhe khona.**
- Lokhu kuvikela ukukhukhulwa kwenhlabathi.
- Kuyaphathisa njalo ngokuvimbela ukuhluma kukamayeqela futhi.